



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDXLVIII.

urn:nbn:de:hbz:466:1-42840

benè producto, temporis spacio, Reginae caeli rosarium persanctè expensum, non decurreret tantum verum cum bono otio expleret: vt non præceptis consuetudo frigidâ quâdam vsurpatione, sed solida pietas, nec otij parca erga Dei Matrem liberalitas hoc ageret, quod Matris tantæ dignitas & maiestas à nobis iure suo pustulat. Vnde illi sensus alti ac suaues; & dulcia lumina illuescebant, firmabantque mentem caelestibus familiari vsu addictam. Eoque in lucro ponebat illam otij bonam partem, quam in re tam nobili occupabat; diem ab ipso capite consecrans DEO, per merita ac manus optimæ maximi DEI Matris; iamque tunc monstrans exemplo id quod verbo erat alios de rosario edocturus. Hæc est dies, dies mystica, hæc est diarium vnicum; vt eam celebrant hymni Græci; quidem ergo beatos putemus dies nostros, si magna eorum pars illius obsequijs, & allocutionibus transcribatur!

Tempus
Deiparæ
cultus nō
parcè da-
re.

Nomencla-
t. # idem
pag. 26.

sp. 6.

ANNO MDXLVIII.

75 Redibat hoc anno in Indiam difficili nauigatione Xauerius, reterrimâ vsque ad omnium desperationem tempestate, mercatoribus vitam redimere coactis mercium cunctarum abiectarum iacturâ. Ego, inquit ille Societati Romam scribens, scum tempestas maxima sæuaret, DEO supplicans deprecatores adhibui ex terris quidem proximis Societatis nostræ homines, peniusdemque studiosos: deinde Christianos vniuersos; expetens per CHRISTI sponsam Ecclesiam, cuius etiamnum in terra morantis assidue preces audiuntur in celo, caelesti Regi quam diligentissimè commendari. Inde Superos ordine imploravi omnes, vt tum viuis tum mortuis deprecatoribus vterer ad iram diuini numinis leniendam. Denique omnibus vel Angelorum ordi-
bus,

bus, vel Sanctorum hominum gradibus singillarim imploratis, quò facilius delictorum meorum innumerabilium veniam impetrarem (audi quanta in DEI Matre fiducia) *sanctissimam DEI parentem patronam adhibui; quæ cali Regina nullo negotio quicquid orat Filium; exorat.* Ad extremum spe omni in immensis CHRISTI Domini promeritis collocatâ, tot tantisque præsijs circumseptus, longè maiore perfruebar voluptate in horribili illa tempestate periclitans, quàm deinde præsentis periculo liberatus. Me sanè pudet nequissimum omnium mortalium in ultimo discrimine, præ cælesti lætitia tantam lachrymarum vim profudisse. Itaque tum CHRISTVM Dominum, suppliciter orabam, ne me ex illo periculo eriperet, nisi ad paria, aut etiam grauiora pericula sui obsequij gloriæque causâ referuaret. Hos nempe animos à IESV per MARIAM, & Sanctos omnes exorato hausit, nunquam satur ærumnarum vastus ille, capaxque Xauerij animus ac voluntas. Verè MARIAM maris stellam expertus est tranquillatâ etiam illâ tempestate Xauerius. Ipsa, inquit Bernard. est præclara & eximia stella super hoc mare magnum, micans meritis, illustrans exemplis. O quisquis te intelligis in huius sæculi profluuio magis inter procellas, & tempestates fluctuare, quàm per terram ambulare, ne auertas oculos à fulgore huius sideris, si non vis obrui procellis.

Per iter.

Ho. 2. super
miff.

76 Hoc anno 1548. primus à Societate, isque ab ipso S. P. Ignatio, liber in lucem prodijt, Romæ impressus, qui est exercitiorum spiritualium. Hoc item anno 3. Julij (qui olim dies S. P. Ignatio in Breuiario Romano natalis futurus erat) idem liber à Paulo III. Pontifice Maximo approbatus est; qui ait eius documenta esse pietate ac sanctitate plena: valde

S. P. Igna-
tj. docu-
mentis de
B. V. daris
vti.

G

vti-

utilia & salubria; eoque laudat omnia, & singula; & ad illa obeunda fideles hortatur. Hoc facit Societas vniuersa quotannis, alij alijs temporibus, ita vt magna pars anni sic nobis effluat, & DEO consecretur, dum varijs in locis alij post alios diuino isti receptui canunt. MARIAM in his exercitijs Ignatio dum illa conderet opitulatam Angelus dixit, vt insinuabimus anno 1600. nunciauitque Virgo, eos qui ea obeunt rem gratam sibi prestare. Ceterum in primi statim exercitij primo præludio Deiparæ non oblitus S. Pater, notat quod in quavis meditatione, siue contemplatione, de re corporea, vt puta de CHRISTO, effingendus sit nobis, secundum visionem quandam imaginariam, locus corporeus id quod contemplamur repræsentans, veluti templum, aut mons in quo reperiamus CHRISTVM IESVM, vel MARIAM Virginem. Hi nempe sunt poli, & cardines in quibus vertitur nostra res: ibi asylum quærendum cordi se introspicere volenti: in hoc monte inspiciendum exemplar CHRISTI & MARIÆ, vt homo vincere seipsum possit, & vitæ suæ rationem determinatione à noxijs affectibus liberâ instituere; qui titulus est exercitiorum ante fundamentum à S. Patre præfixus. In peniculis, monet ibid. Bernard. *in angustis, in rebus dubijs MARIAM cogita, MARIAM inuoca: non recedat ab ore, non recedat à corde.*

*Lites, Dei
paræ cõ-
mendare.
S. Sept. Na-
rii, B. V.*

77 P. Iacobus Laynez in perplexo quodam negotio Veneti tribunalis, cum id quod Societati dederat Lipomanus, potens & opibus atque gratiâ in Senatu valens cuiusdam authoritas filio destinasset, datis ad Ignatium literis rogat vt eum nodum ipse apud DEVM, vno eum in finem sacrificio facto, expediat. Nascentis Deiparæ diem elegit Ignatius; & rem omnem in sacrificio flagranter Deiparæ com-
men-

mendavit. Feliciter cum illa transigisse, illud argumento fuit, quod spei plenus Lainio perscripserit, se die natæ Virginis illud negotium cordi ut esset Virgini commendasse. quare bono animo esset, ac de felici optatæ rei exitu dubitationem omnem deponeret. Octavâ ab Ignatij sacro, & B. Virginis natæ festo die, in rogatorum consilio res iterum acta, & feliciter pro nobis peracta est. Inter Senatores qui Societati fauebant præ alijs, eo die (humanane industriâ, vel diuino potius consilio, non disquiro) abstinere. Laynez, & Salmeron mendici homines, extranei, peregrini, nec autoritate rem, nec opibus poterant prouehere. Deo ergo, & diuinæ Matri gratias reddendas agnouit Laynez, atque Ignatius certior de spe suâ bene in Deiparæ auxilio collocata factus. Nam è 145. Senatorum numero, duo tantum contra nos fuere: pro nobis verò à 143. lata est suffragatio, consensione animorum tantâ quantam ipsi quoque admirati sunt; fasso Vincentio Riccio Senatus arcanis præfecto, sibi nullum cum Patribus officij ius vel necessitudinem intercedere, verum diuino quodam instinctu se agi. Adeò Deipara nobis, munusculorum, (quo sæpè aureo balsamo tribunalia vngi debent) ac omnis industriæ loco fuit, sequestro apud illam Ignatio, & illâ apud DEVM. Deipara in hymnis Græcis vocatur *Ius dirimens lites*.

in Nomenclat. Raynaudi.

78 Eodem hoc anno, & eodem Deiparæ nascentis die Societatem iniit Luteriæ, iam Philosophus, Theologus, ac Sacerdos P. Euerardus Mercurianus, quartus postea Societatis Præpositus Generalis: quem ille diem elegit, ut & Deiparæ colendæ studium hac etiam arte combiberet, & vitæ in Societate degendæ MARIAM præficeret, quacum Societati natus esset. Scio id multis esse solatio, die aliquo

Nati. B. V.
Diem B.
V. pro magnis rebus eligere.

Deiparæ dedicato, vel adoptari, vel religioso Sacramento authorari: id quod ego in me ipso sum expertus, cum in Assumptæ Deiparæ die DEVS me in Societate inter iuratos Deiparæ cæli Augustæ seruos censere dignatus est; quo etiam die primi Patres idem in montē Martyrum olim coram DEI Matre præstiterant Sacramentum: quæ cogitatio me iam tunc impensè recreabat. *Ipsam sequens non deuias, ait laudatus supra Bernardus, ipsam rogans non desperas; ipsam cogitans non erras. Ipsa tenente non corruis: ipsa protegente non metuis: ipsa duce non fatigaris: ipsa propitiâ peruenis.* Quæ omnia pulcherrimè dici possunt de illa quam à DEO per illam speramus, in suscepto religiosæ vitæ curriculo constantiâ

ANNO M D XLIX.

79 Societati Goam lib. 3. epist. 5. scribens Xauerius: Inuito, inquit, Nauarcho, nautis, ipsoque diabolo (qui sæpè Xauerio minitans denunciabat, venisse tempus vlciscendi doloris sui) Iaponium cursum tenuimus. Ita ad has regiones tantoperè à nobis exoptatas, DEO aspirante peruenimus, ipso die B. MARIE in celum Assumptæ sacro anno 1549. An non benè dixit proximè Bernardus: *ipsa propitiâ peruenis?* Benè illam salutat Ecclesia: *Aue Maris stella.* Hac propitiâ per iuuatum mare eò quò tendebat penetrauit Xauerius.

80 Magna in spe sum, scribit lib. 3. epist. 5. Xauerius, diuinam nobis opem non defuturam: quippe cum nostris diffisi viribus spem omnem in CHRISTI Domini vi ac potestate summa, *sanctissimæque eius Parentis, Angelorum omnium, ac præsertim Michaelis Archangeli, Præsidis Ecclesiæ militantis, patrocinio defixerimus.* Et certè valet plurimum sui nimiam fiduciam planè exuere, ac tenerum spei sensum erga

Dico Assumpt. B. V. pie colere.

Fiduciam in B. V. collocare.